

İDARE MERKEZİ

**ANKARA, İstanbul Caddesi
Maarif Eminliği yanında**

İSTANBUL BÜROSU

*İstanbul, Ankara Caddesi
No — 87*

HAYAT

Flatı her yerde 15 kuruş
seneligi, posta ile 7,5 Türk Lirası
(Ecnebi Memleketlere 7,5 Dollar)

Abona ve ilan için İstanbul
bürosuna muracaat edilir
Yazı işlerinin mercii Ankara
merkezidir

Hayata, daima hayata.. Dünyaya daha çok hayat katalım!

— NIETZSCHE —

Cilt: IV

Ankara, 8 Teşrinisani , 1928

Sayı: 102

Mehmedin icatları

— غیرمنتشر « محمدجک » وماندن برپاچا —

(ویزه بوزغونی... اردو دارماداغین برحالهده استانبوله دوغرو چکیلمکده در . محمدک سوق ایتدیکی براوکوز آراباسی یاغیشلی برکیجهده یولنی شاشیرمش ، برباطافله صاپلانوب قالمش ، اوکوزلردن بری تلف اولمشر . آراباده بولونان سکزانون ضابط یاا اولهرق یوله دوام ایتلمشر در... یالکز عمرخلیل اسمنده کنج بر دوقتور یوزباشیسی ، خسته اولدینی ایچون ، یورومکه مقتدر اولامش ، آراباده قالمشر . محمدده اونکله برابر در .)

محمد صباحه دهانه قادر زمان قالدینی آ کلامق ایچون ساعتی چیقاردی .
های عکسی شیطان ! ساعت دورمشدی . بش سنه دن بری هر آقشام اذاندنه ایکی آلی قانده اولسه بو یادگار بریول ساعتی قوراردی یاه . بوکیجه ناصلسه تلاشه ایله اونومشدی .

کوکده صباحه دائر بر ایشیق ، بر علامت کورمک امیدیه باشنی قالدیردی . فقط هوانک ایچی سیم سیاهدی . ایکی کوندن بری دورمادن یاغان یاغمورک آقشامدن صوکر قاره چوریدیکنی بیله آتجق آغیرلق ، دوندوروجیق و سسسیز لکندن آ کلا یوردی . آتاق پارماق لری ، آلری ، یوزی دونغه باشلامشدی . کندی صاپا صاغلام برانسانکن بویه تیره رسه الله بو آراباده یاتان خسته استانبول اوشاغنه امداد ایله سیندی . آراباده نه قدر چول چوال بولدیسه دوقتورک اوستنه ییغمشدی . فقط عکسی کی بونلرده یاغموردن ایصلامشدی . خسته یه بلکه فایدادن زیاده مضرتی دو قونا جقدی .

سکزان اون آدیم ایلرده بولک اوستنه اکیلش بریوبوک قایا واردی . محمد خسته یی هیچ اولمازسه یاغیشدن محافظه ایتک ایچون اونک بر چیقینتسندن استفاده ایتنه دوشوندی . آلا جواللری طاشیدی ، صوکر خسته یی کتوردی .

بو قوووغی قار وروز کارک طوما یوردی . مع مافیه صوغوق عینی صوغوقدی . محمددرین درین دوشونوب اطرافنه باقدندن صوکر بوکاده بر چاره بولدی . نشته ایله کولرک :

— بک الله ! بزه بر او ویردی... آرزبرایت... سکا برده زوبا (صوبا) بولایم ، دیدی . حالا آرابانک اوکنده ، ییقیلدینی برده یاتان دیری اوکوزک قایشلرینی کسیدی ، اونی « ها یوروم . ها قوزوم ! » دییه چکه چکه قایانک اوکنه کتیردی ، باشی قوووغک آغزینه کلک اوزره یه چو کرتدی . صوکر خسته دوقتوری ینه چواللرک قوروجه طرفلرینه صاردندن صوکر چوجوق کی قوجاغنه آلدی ، آتسه طوتار کی اوکوزک یوزینه طوتهرق : — ایصین بک ، دیدی ، ایشته اودونسز ، کومورسز برزوبا سکا...

فی الحقیقه اوکوزک آغزندن بورندن چیقان نفس بو صوغوقده بر قالوریهف دلیکندن چیقان هوا کی صیجاقدی .

عمرخلیل خفیجه کولومسه یه رک نفره تشکرا بتدی . — الله راضی اولسون عسکر... حضر کی امدادیه یتشدک... دیدی . محمد هم حظندن کولویور ، هم دهه باشنی صالایه رق فلسفه یاپیوردی :

— سنکده عسکره بر اییلکک دو قونمش اولمالی دو قنور بک... بلکه صله یه عسکر کوندردک . حسرت قاوروشدوردک . غریب آنا دعاسی آلدک... آرتق آرالندن ضابطک نفرک فرق قالمشدی . محمد وجودینک صیجاغندن عمرخلیله دهه فضله برشی برشی ویرمک ایستر کی اونی قوللرینک آراسنده صیقور ، یوزی بر او جاقده ایصتیر کی اوکوزک بوزنه یاقلاشدیریوردی . بر زمان ایکی آرقاداش ، ایکی قاردهش کی قونوشدی لر . صوکر عمرخلیل صاچالامغه باشلادی . محمد اونک صایقلا دینی آ کلا یه رق صوصدی . کنج دو قنور بر آراق نشته لی ، عصی بر سسله آنه سسه خطاب ایتدی . اوندن صیجاق جای ایستدی . محمد برجای سوارینک باشنده میشده دوموزلغندن بو چوجوغه بر یودوم جای ویرمه یورمش کی اوتاندی و اوزولدی .

هوانک بولانیق آیدینلنی ایچنده اطراف دهایی سچه ییلیوردی . اوچ دورت قورشون آتیی اوزاقده برشوسه آغاری یوردی . آقشاملین قایب ایتدکری یول بواولاجقدی . بر آرز صوکر بولوده انسان و آرابا قافله لری فرق ایتدی .

بوشوسه یی بولسلر سلامتیه چیمش صایلیوردی . خسته ضابطی ناصل اولسه آرابالردن برینه بوکلردی . کندی ایچون قولایدی . آجی باطیجانی قیراغی چالمازدی . بر آرز یه جک بولورسه اول الله اوچ کون داهایول یورویه ییلیوردی . دو قنوری خفیجه دورندی : — بک ، بر آرز جانلان . ایکی ساعته قالمادوشمان سوارسی بوراده در... توبه اولسون بزی اربک پستیلی کی یه صیویوب کچر .

عمرخلیل قیملدایاجق حالده دکلدی ، برچامورلی یوله ، بر نفرک یوزینه باقدی ، جواب ویرمه دن کوزلرینی قاپادی .

محمد بر آرز سرتله نمکه ، اونک غرورینی تحریک ایتکه لزوم کوردی ، عکسی برسسله :

— آرقاداش... باق ، بوراده ضابط نفریوق... سن ده سن ، بن ده بن... عییدر... سن عسکر سک... قاری قسمیسی کی مسکینه مه... هیدی...

عمرخلیل اوموزلردن طوتهرق صارصه صارصه آیاغه قالدیردی :

— هیدی ! دایان اوموزیه... آل شو صوپای ده آله... مارش مارش باقلم... خسته او شاشقینقله برمدت یوردی . فقط یکریمی اوتوز آدیم صوکر کسیدلی ، دوردی ، باشنی محمدک اوموزینه دایادی : — اوغلام بن یورویه مه جکم... ایسترسک براق بنی بوراده ! دییه یالواردی . محمد اوکا حق ویرمه یور دکلدی . آیاقلرنده کیتدکجه آغیرلاشان چامور طوباقلری کندینی بیله صولومشدی . هی اللهم ایشک کوجک قالمادیده بورالره طوبراق برینه طوتقال می دوکیوردک ؟ اوت یاننده کی خسته استانبول چوجوغه

حق ویرپور ، حتی آجیوردی . نه چاره که دورولا جق زمان دکلدی . اوزاقده طوب سسلری جوغالیور ، شوسه ده کی انسان و آرابا قافله سنک قاریشدینی ، صیقیشدینی کورولویوردی .

محمد بر کره داهای طاتیلق یوله سایدی : — هیدی قوزوم... هیدی طوسوم... بر آرز جانلان... قدرم اولسه توبه اولسون سنی صیرتمده کونورورم...

فقط آرتق عمرخلیله سوز تأثیر ایتیه یوردی ، دیز اوستی یه ، باتاغک ایچنه چوکلدی . او وقت محمدک قافاسی آدم عقللی قاریشیدی وقیزدی . اطرافده ، چامورلرک ایچنده ، برکون اول قاجانلرک آتدینی سلاخلر سورونویوردی .

نفر قرقالی آدیم ایلریده کوردیکی برماوزهری آلدی ، معاینه ایتدی . چاتیق و ظالم بر چهره ، سرت برسسله باغیردی :

— بک ، بن کیدیورم... بوراده چامور ایچنده بوغولوب اوله جکسک... یاده دوشمان آتلیرینک آیاغی آلتنده ازیله جکسک... قورتولوش یوق... آیدسی می باری صیقینتی چکمه ، راحت اول... بن سنی بر قورشونده قورتاراجم .

عمرخلیل باشنی قالدیردی ، کوزلرینی آجدی . نفرک باجاقلرینی آیرمش ، ماوزهری اوموزینه دایامش ، نشان آلدینی کوردی : عسکر... نه یاپیورسک ؟ دییه باغیردی .

فقط او ایشتمه مش کی عینی سرت سسله : — بک ، کله شهادت کتیر... آتش ایدیورم !... دیدی . دو قنور قوللرینی صالامق ، باغیرمق ایستدی . فقط ماوزهر قورقونج برسسله چاتلادی .

عمرخلیل جان هولیه یرندن قیرلادی . یووارلانه یووارلانه قوشمغه باشلادی . آرقاسندن بر ایکنجی آتش...

نفر چیلدیرمش کیددی . خسته اوکده ، او آرقاده عادتاً قوشویورلردی . عمرخلیل دوشه جک کی اولدجه محمد آتش ایدیوردی . بویه جه اون دقیقه کچمه دن شوسه یه یتشمش بولونویورلردی .

محمد سلاحنی آتدی ، تکرار دو قنورک قولنه کیرمک ایستدی . فقط آرتق اونک یورومک ایچون معاونته احتیاجی قالمامشدی :

— عسکر ، دیدی ، بنی اولدورمک ایستدک ، حساب ویرمه جکسک...

محمد بوتهدیده اهمیت ویرمدی ، صاری کوزلرله کولومسه یه رک :

— سن صاغ اول ، دیدی ، بن سنی قور- تاردم یا... بو اونی اوینا میدم سکا زور قورتولا جقدک بک... سز استانبول اوشاقلری صیقینتی نه در یلمز سیکز... انسان آرزو جوق خسته اولدیمی غیری کیده من ، ییقیلر صانیر سیکز... ولا کن آزدندن بر دورتوشدورن اولورسه چیفت اوکوزی کی ییقیلوب اولونجه یه قدر کیدر... الله آدمه کونوردیکی قدر ویرمه سین بک...